



### Headlines

- लेफ्टिनेंट गवर्नर मनोज सिन्हा होरें आखेआ ऐ जे युवाएं अंदर ओहू ताकत मजूद ऐ जेह्दे दम उप्पर इक मजबूत ते खुशहाल भारत दा निर्माण कीता जाई सकदा ऐ।
- मुख्मंत्रि उमर अब्दुल्ला होरें श्रीनगर दे नेहरू पार्क थमां कराल संगरी तगर बुलवार्ड सिडकै गी चैडा करियै इसी चार लेन आहली बनाने दे कम्मै लेई नींह पत्थर रक्खेआ।
- श्रीनगर दे मशहूर टैगोर हॉल च उद्घाटन दे कन्नै अज्जै थमां कश्मीर वर्ल्ड फिल्म फेस्टिवल दा 5मां संस्करण शुरु होई गेआ ऐ।
- जम्मू दे जिला मैजिस्ट्रेट होरें नशीले पदार्थे दी तस्करी लेई कूरियर सेवाएं दे गलत इस्तेमाल गी रोकने आस्तै सख्त हुक्म जारी कीता ऐ।
- जम्मू-कश्मीर च औंदी 4 ते 5 नवम्बर गी हौली बरखा ते बर्फबारी दे असार ना। मौसम विभाग ने करसानें गी आखेआ ऐ जे ओहू इस अवधि दरान राई-बाई दे कम्में गी फिलहाल रोकी देन।



### LG Youth

उपराज्यपाल मनोज सिन्हा होरें अज्ज आखेया ऐ जे कि जम्मू-कश्मीर दे नौजवान अपना भविकख सोआरने दी ताकत रक्खदे न ते मुल्खा गी इक मजबूत ते खुशहाल राष्ट्र बनाने च योगदान देने च बी समर्थवान ना। कश्मीर युनिवर्सिटी च आयोजित इक अंतराष्ट्रीय सैमीनार- जेदा विशे हा- The Legacy of Doctor Rahi Masoom Raza च बोलदे होई उनें भारतीय साहित्य च डाक्टर रज़ा हुंदे योगदान दी सराहना कीती ते आखेया जे उन्दा संदेश अज्ज बी पूरे मुल्खे च एकता ते सदभाव लेई प्रेरित करदा ऐ। उनें अगगे आखेया जे जम्मू-कश्मीर च रमानदारी ते विकास दी यात्रा बिजन कुसे रुकावट दे जारी रौहग ते इसी कदे रोकेया नेंई जाई सकदा। उनें आखेया



### LG Chrysanthemum Garden

लेफ्टिनेंट गवर्नर मनोज सिन्हा होरें अज्ज श्रीनगर दे बोटैनिकल गार्डन च गुलदाऊदी फुल्ले आहले बगीचे दा दौरा लाया। फुल्लें, बगीचें ते पार्के सरबन्धी मैह्कमे आसेआ कश्मीर दे इस किस्मै दे पैहले बगीचे गी 100 कनाल शा मते रकबे च विकसित कीता गेआ ऐ ते एहू मुकामी बसनीकें दे कन्नो-कन्नी सैलानिएं लेई बी आकर्षण दा इक बड्डा केन्द्र साबत होग। इस मौके पर लेफ्टिनेंट गवर्नर हुं'दे प्रधान सचिव डाक्टर मनदीप के. भंडारी, फुल्लें ते पार्के-

बगीचें सरबंधी मैहकमे दे कमिशनर सैक्रेटरी जुबेर अहमद, श्रीनगर दे डिप्टी कमिशनर अक्षय लाबरू ते होर दुए सीनियर ऐहलकार बी लेफ्टिनेंट गवर्नर हुं'दे कन्नै हे।

<><><><><><>

### CM Boulevard Road

मुक्खमंत्री उमर अब्दुल्ला होरें श्रीनगर दे नेहरू पार्क थमां कराल संगरी तगर बुलवार्ड सिडकै गी चैडा करियै इसी चार लेन आहली बनाने दे कम्मै लेई नींह पत्थर रक्खेआ। इस मौके उप्पर लोकें दे इक बड्डे किट्टु अगगे भाशण दिं'दे होई मुक्खमंत्री होरें आखेआ जे इस प्रोजेक्ट दे तोढ चढने कन्नै गड्डिणं दे जाम दी समस्या शा राहत थ्होग ते बसनीकें ते सैलानिणं लेई जात्तरा दा इक सुरक्षित ते मता अरामदायक अनुभव जकीनी बनग। इस मौके पर उपमुक्खमंत्री सुरिंदर चौधरी ते मुक्खमंत्री हुं'दे सलाहकार नासिर असलम वानी हुं'दे अलावा खानयार, हज़रतबल, ज़ादीबल ते छन्नापोरा हलकें दे विधायक बी मुक्खमंत्री हुं'दे कन्नै हे। मगरा मीडिया कर्मिणं कन्नै इस वारै च गल्ल करदे होई उपमुक्खमंत्री सुरिंदर चौधरी होरें आखेआ

<><><><><><>

### KWFF

5मां कश्मीर विश्व फिल्म उत्सव अज्ज श्रीनगर दे टैगोर हाल च शुरु होआ। 7 नवम्बर तोड़ी चलने आले इस फिल्म उत्सव च भारतीय ते बाहरले मुल्लें दियां कोई 60 कोला मतियां फिल्मां दस्सियां जागंन जिंदे च बक्ख-बक्ख भाषाणं ते संस्कृतियें दी झलक दिक्खने गी लब्बोग। फिल्म उत्सव दे आयोजकें दा आखना ऐ जे इनें फिल्में च-फीचर फिल्मां- दस्तावेजी फिल्मां ते ऐनिमेशन फिल्मां बी शामिल ना। उंदा मनना ऐ जे इस फिल्म उत्सव दे राणं नां छड्डा फिल्म निर्माण गी बढावा थ्होग ते काबिल नौजवानें दा फिल्में बक्खी आकर्षण बदोग- सगुआं एदे राणं सैलसफा गी बी बढावा थ्होग-कश्मीर दी खूबसूरती होर मती उजागर होग ते कम्म-रोजगार दे मते-मते मौकें बी पैदा होगंन। 7एं दिनें दे इस आयोजन दौरान केई मशहूर फिल्मी हस्तियें दे शामिल होने दी मेद ऐ- जिंदे च रज़ामुराद- रजत कपूर-जयति भाटिया- शिशिर शर्मा- मधुर भंडारकर- ललित पारिमू ते सुनित टंडन शामिल ना। आयोजकें चा इक मुश्ताक अली अहमद खान होरें मीडिया कन्नै गल्ल करदे होई आखेया

<><><><><><>

### DC Samba - Gurpurab

सांबा दिणं डिप्टी कमिशनर आयूशी सूदन होरें अज्ज डीसी दफ्तर दे मीटिंग हॉल च इक उच्चि सतह दी तालमेल बैठक दी प्रधानता कीती ते औंदे गुरुपूरब दे पर्व लेई कीती गेदी तैयारिणं गी मुक्कदा रूप दित्ता। इस दरान डिप्टी कमिशनर होरें जरूरी सेवाणं जि'आं पानी ते बिजली दी सप्लाई सने साफ-सफाई ते होरनें बंदोबस्तें गी अगेत्रे गै जकीनी बनाने दे निर्देश जारी कीते। उंनें सबनें सरबंधत विभागें गी निर्देश दित्ता जे ओहू आपूं-चै नेडमा तालमेल बनाइयै कम्म करन ते सबनें गुरुद्वारें ते उं'दे आले-दोआले दे इलाकें च पूरी साफ-सफाई जकीनी बनान। डिप्टी कमीशनर होरें बेल्ले सिर स्वच्छता अभियान चलाने, कूडे-कचरे दे असरदार प्रबंधन ते धार्मिक थाहरें गी रोशनिणं कन्नै सजाने दे महत्वै पर जोर दित्ता।



## DM Jmu Courier

नशीले पदार्थों की तस्करी लेई कूरियर ते पार्सल सेवाएं दे बधदे माडे इस्तेमाल गी रोकने की दिशा च इक बड्डी गैह् पुट्टदे होई जम्मू दे जिला मैजिस्ट्रेट होरें भारती नागरिक सुरक्षा संहिता 2023 की दफा-163 तैह्त इक सख्त हुक्म जारी कीता ऐ। इस हुक्मै तैह्त जिले भरै च कम्म करा'रदी सबनें कूरियर ते पार्सल कंपनिं गी आखेआ गेआ ऐ जे ओह् जांच आहले सख्त हीलें गी लागू करन ते नशीले पदार्थों की रोकथाम सरबन्धी कानून- एन.डी.पी.एस. दे प्रावधानें की पालमा जकीनी बनान। ध्यानजोग ऐ जे प्रशासन गी लगातार ऐसियां रिपोर्टां हासल होआ करदि'आं हिआं जे जिले च नशीले पदार्थों गी इक थाहरा दुई थाहर पुजाने लेई कूरियर कंपनिं ते पार्सल सेवाएं दा माडा इस्तेमाल कीता जा'रदा ऐ। इ'नें भैडी चालें पर काबू पाने दे मकसद कन्नै जम्मू दे जिला मैजिस्ट्रेट होरें एह हुक्म जारी कीता ऐ।



## Vigilance Week

मुल्ख भरै च चला करदे सतर्कता जागरुता हफते दे सिलसिले च राष्ट्रीय जरनैली सिडके सरबन्धी प्राधिकरण NHAI आसेया अज्ज उधमपुर दे शहीद भगत सिंह पार्क च इक विशेष कार्यक्रम दा सरिस्ता कीता गया। इस कार्यक्रम च मकामी कलाकारें इक बडा गै शानदार डोगरी ड्रामा पेश कीता- जेदे च समाज च गुज्जखोरी दे माडे असर ते इस कबैतू दा मकाबला करने की जरुरतै पर लौ पाई गई। लोकें इस नाटक गी बडा सराहेया ते आखेया एदे राएं दिता गेदा संदेश लोकें गी भ्रष्टाचार बारे जागरुक करने च मता मददगार साबित होग। NHAI उधमपुर दे प्रोजैक्ट डायरेक्टर अनुज कुमार होरें इस मौके आखेया जे प्राधिकरण अपने कम्मं च पारदर्शिता ते जवाबदेही गी यकीनी बनाने ते भ्रष्टाचार गी बिंद बर्दाश्त नेंई करने लेई वचनेबज्जे दा ऐ। उनें आखेया



## Reasi -Health Camp

मैहकमा आयुष जम्मू-कश्मीर आसेया अज्ज रियासी च इक जागरुकता ते सेहत जांच दा कैम्प लोआया गया। इस कैम्प दा मकसद मकामी लोकें च इलाज-मुआलजे दियें पारम्परिक विधियें गी बढावा देना ऐ ते लोकें च अपनी सेहत दिक्खभाल ते ऐहतियात बारे जागरुकता पैदा करना हा। इस कैम्प च मकामी लोकें मते उत्साह कन्नै हिस्सा लैता। इस कैम्प च आयुष दे डाक्टरें ते सेहत दे माहिरें लोकें की मुफ्त जांच कीती ते उनेंगी खान-पान ते सेहत दिक्खभाल बारे महत्वपूर्ण जानकारी ते सलाह-मश्वरा दिता ते केंइयें मरीजें गी आयुष दियां दवाइयां बी मुफ्त दितियां। कैम्प दौरान लोकें गी आर्युर्वेद-योग-यूनानी-सिद्धा ते होम्योपैथी बारे जानकारी दिती गई ते दस्सेया जे किस चाली ओ इलाज की पारम्परिक विधियें गी अपनाइयै निक्की-मुट्टी कसर गी दूर करी सकदे न ते इक नरोआ जीन जीह सकदे न। आकाशवाणी समाचार कन्नै गल्ल करदे होई रियासी दे जिला आयुष अधिकारी डाक्टर प्रियदीप राज होरें आखेया



## Weather

श्रीनगर स्थित मौसम विभाग दे केन्द्र नै जम्मू-कश्मीर दे औंदे किश दिनें तक्कर मौसम आमतौरा पर खुशक रौहने दी पेशनगोई कीती ऐ- जेदे बाद अगले हफ्ते केन्द्र शासित प्रदेश दे किश थाहरें पर बरखा ते बर्फबारी होई सकदी ऐ। उआं 4 ते 5 नवम्बर गी मौसम बदलोखड़ा बने दा रौहग ते उच्चियें धारें पर टावीं-टावीं थाहरें हलकी बरखा ते बर्फबारी होने दे बी आसार दस्से गे ना। जारी जानकारी मुजब 4 नवम्बर दी शामी ते रातीं कोला लेइयै 5 नवम्बर दपैहरी तक्कर बरखा बरने दे आसार दस्से गे ना। करसानें गी सलाह दिती गई ऐ जे ओ 4 ते 5 नवम्बर गी अपने कम्में गी अगड़े पाई रक्खन तां जे उनेंगी मौसम सरबंधी कोई नुक्सान नेंई ठुआना पवै।

<><><><><><>

## Kishtwar Vande Matram

सरकारी डिग्री कालेज किशतवाड़ दी NCC दी सीनियर डिविजन दे सीनियर सीगा ईकाई आसेया अज्ज भारत दे राष्ट्र गीत “वंदे मातरम” दे डेढ़ सौ बरे पूरे होने दे सिलसिले च 14 नवम्बर 2025 तोड़ी चलने आले इक विशेष कार्यक्रम दी शुरुआत कीती गई। 15एं दिनें दे इस आयोजन दी शुरुआत राष्ट्रीय झंडा चाढ़ने कन्नै होई- जेदे बाद NCC दे कैडटें वंदे मातरम गाइयै माहौल गी देशभक्ति दे रंगै च रंगी दिता। इस कार्यक्रम दा आयोजन 10 JK बटालियन NCC भद्रवाह दे बैनर हेठ कीता गेदा हा- जेदे च 80 कोला बद्द NCC कैडटें हिस्सा लैता। 80 कैडटें मते जोश ते देशभक्ति दी भावना कन्नै हिस्सा लैता।

<><><><><><>